


Relaciona cu bishita na parke y infraestructura:

Investigacion tumando lugar na Parke Arikok pa introduci diferente cambio di maneho



ORANJESTAD (AAN) – Den entrevista cu Roland de Cuba, Director di Parke Nacional Arikok el a comenta cu ta bay tin cambionan den e maneho di e infraestructura di PNA, cual ta haya cantidad di bishita tur dia.

El a subraya cu ainda no tin nada concreto pa informa, pero a referi na aspectonan prioritario, cu tin di haber cu e ecosistema y cu ta puntonan di atencion riba cual ta haciendo un research, pa formula e mihor maneho.

Un di areanan cu ta capta hopi atencion y ta hopi popular ta Conchi. Un cantidad grandi di Quadracer ta drenta bay den direccion di conchi y esaki ta sosode tur dia.

E area pa bay conchi pa diez aña largo ta wordo uza, prome pa jeeps y awor pa UTV y Quad loke ta rekeri

di un bon investigacion pa por yegana un bon maneho; e cambionan cu mester bin lo mester wordo papia cu tur stakeholders. Pero e funcionario no por a bay den informacion concreto tocante kico ta bay haci, pero si mester tene cuenta cu lo bin cambio den esaki y otro aspectonan den futuro cercano, segun el a expresa.

E plan y vision ta acapara drechamento di e infraestructura di caminda, e limpieza di e parke y conservacion di e ecologia. Esaki ta hopi importante, ya cu e bishitanan cu a tuma lugar cu hende ta drenta manera cu nan kier a trece un impacto grandi riba e medio ambiente den e areanan concerni. Aworaki tin un investigacion ta tumando lugar riba e impacto aki, no solamente riba e caminda pero tambe

riba e conchi.

Tambe ta tumando den consideracion e horario di bishita cu aworaki ta di 8 or di mainta pa 4 or di atardi, y esaki ta un di e opcionnan cu ta den estudio na e momentonan aki. Tin reunion y charlanan cu ta tumando lugar constantemente, riba e temanan aki, cu ta



sumamente importante pa sr. de Cuba y pa hopi instancia mas.

El a reitera cu no tin un direccion specifico cu nan ta cla cune pa bay aworaki, cu ta pidi un tiki mas

tempo. Pero si mester ta na haltura cu ta bay tin cambio cu por afecta e horario, e cantidad di bishitantenan, y diferente otro aspecto di e funcionamiento di PNA.